



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 192. Pontifices autem concitauerunt turbam vt magis Barabam
dimiteret eis. v. 11.

urn:nbn:de:hbz:466:1-45533

tunt, intelligere. Verissimum etiam est quod meritissime pro principibus & magistratu oratur, qui tam grauiter periclitatur.

§. 191. Sciebat enim quod per inuidiam tradidissent eum summi sacerdotes. v. 10.

Exprimit hic Euangelista causam, cur ita conatus fuerit Christum liberare Pilatus; nimis quia iudici constabat Christum ex inuidia per Summos Sacerdotes sibi traditum. Quae autem inuidia fuerit, Iohannes manifestat, dicens eos dixisse: *Ecce mundus totus post eum vadit, & si dimittimus eum sic omnes credent in eum.*

Domine Iesu, video æquitatem in Ethnico, & confundor in Christiano: nam video & plane sentio hinc inde Christianum etiam subinde furijs Inuidiae agitatum, acuere linguam suam aduersus proximum suum quando videt illum crescere, se vero minui vel non super omnes excrescere, tunc obliqui aspectus, tunc ægre extortum alloquium, tunc detractiones, tunc etiam insidias est obseruare. Deus meus conserua me ab hoc malo, per quod mors in mundum intravit. Sed & mihi hanc da gratiam, ut semper & ubique amore iustitiae & æquitatis coner Innocentem defendere, periculis liberare, & promouere, ne iniuriam ullam patiatur, aut damnum.

§. 192. Pontifices autem concitauerunt turbam ut magis Barabbam dimiteret eis. v. 11.

Quantum malum est innidia! ecce per inuidiam Pontifices facti sunt populo deteriores, magis imprudentes, tumultum concitantes. Audite ergo iudith illos increpantem. *Vos estis Presbyteri in populo Dei: & in vobis pendet anima illorum: ad eloquium itaque vestrum corda eorum erigit, nolite eos in barathrum protrudere, vel potius vobiscum detrahere: miseremini obsecro eorum, de quorum primitijs & oblatis viuitis, talia Iudith locuta fuisset.*

O Deus! quare permisisti obsecro tale scandalum, ut Pontifices ipsi & Sacerdotes populo suo tam malo praæirent exemplo? Nunquid non merito hinc argumentabuntur haeretici osores Ecclesiæ tuæ dicentes: *Ecce Ecclesia defecit, ut Sacerdotes sic populi, omnes mali facti sunt, non fuit tunc bonus ad unum.* Ita est: sic argumentari possunt de Synagoga, quia retusa defecere debebat, ut Lucifer oriente sole, & quid mitum defecisse illam Ecclesiam, quæ non habebat promissionem constantiæ æternæ, quam habet Christiana. Argumentetur ergo haereticus de synagoga, sed non affingat Chri-

Christianæ quod proprium est Molæicæ non affingat Saræ Dominæ, quod est ancillæ Agar: inique argumentatur, cum sic hæreticus argumentatur, & plerumque qui sic arguunt Ecclesiam Catholicam, ipsimet sunt apostatae ab eadem Sacerdotes, seducti per passiones suas immoderatas & volunt suam inconstantiam affricare constanti Ecclesiæ.

§. 193. Pilatus autem iterum respondens ait illis. v. 12.

Quia Pilatus male sperauerat neminem fore tam audacem & impudentem è numero Iudæorum qui dimitti peteret latronem scilicet insinuatum, quo inter vincitos peior nemo erat, videns aliter euenisse consternatus aliud consilium capit è penu seu thesauto politico suo sed priore multo deterius & infelicius & qui antea populum secum æquauerat adhibendo in consultationem, de dimissione rei innoxij, ecce imprudentissime eundem nunc facit Iudicem. Petendo ab ipsis Iudæis, quid de Christo fieri vellent, sed dum petit, perdit & se, & Christum Dominum, se quia prodit inconstantiam suam, & timorem in administranda fortiter iustitia, dum homines offendere magis quam Deum & iustitiam timet. Hoc aduententes Iudæi audacter pro ludicribus se geserunt.

FAxit Deus ne & hodie eiusmodi Iudices timidi inueniantur, qui ne-
ciunt virtute irrumperet iniquitates multorum, sed statim ad faciem
vel potenter vel amici extimescunt facere iudicium & iustitiam & tales se
& amicos & inimicos perdunt. Hunc timorem, Domine, obsecro auertas
ab omni Iudice Christiano.

§. 194. Quid igitur vultis faciam Regi Iudeorum. v. 12.

Quantæ timiditas! quantus pudor tanti Principis & Præsidis Iudæo-
rum, vt non audeat dimittere innocentem quem ita plene nouit, ex iniui-
dia sibi esse traditum & non aliam ob causam! sed insuper perat consilium
à subditis & sibi eum tradentibus & falso accusantibus, & odio habenti-
bus, quid facere debeat de eo, quem sibi tradiderant, Non scis, Pilate quod
inuidia non quiescat, donec in eo, quem odit, plenam videat miseriam! Tu
quidem captas aliquam benevolentiam tuorum subditorum, dum vocas
Iesum regem Iudæorum quasi videaris non nihil ipsorum regno deferre;
sed dico tibi sincere, quod illi passionibus Mei & Tui agitati nō intelligent
talem benevolentiam. O pusillanimitatem detestandam in Iudice! qui
nullam inueniens in Christo causam, non tamen iuxta leges liberat eum,
sed inimicos interrogat, quid agere debeat, cum eo quem oderint, quem
falso accusarunt, quem sibi tradiderint morte plementum.

Q. Bone